



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 44. Föderatorum Ordinum fœdus cum Elisabetha Angliæ Regina.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

§. XLIV,

Sæcul. XVI.

A.C. 1598.

*Fæderatorum Ordinum fœdus cum
Elisabetha Angliæ Regina.*

Cum Elisabetha Angliæ Regina pacem Hispanos inter, & Gallos firmatam præpedire desperaret, Fæderatarum Provinciarum Ordinibus subdole suggererat, quod bellum unice in eorum commodum prosequeretur, hocque pacto patriæ, Religionis, & conscientiæ libertatem, quæ nupera pace in discrimen adduci videretur, tueri intenderet; porro hæc rationes adeo artificiose fallax hæc Regina exponebat, ut Ordines, quamvis ab eadem præcipue propriam utilitatem spectari subolerent, auctore tamen Mauritio arctiorem cum ea societatem inire decernerent: mox vero Regina de propensa eorum voluntate certior facta ad illos Franciscum Vereum Equitem ablegabat, qui de belli adversus communem hostem, quo nomine Catholicos indigitabat, movendi ratione cum eis ageret: vicissim hi Varmontium Joannem Burneseltium, Verkum, Hottingam, & Andream Hesselium in Angliam decernebant, qui consultationibus utrinque habitis fœdus pactis hæc conditionibus sanxerunt I. Ordines pro octingentis florenorum millibus idoneam cautionem Reginæ præ-

*Rapin. Thoiras l. 17. p. 498.
Thun. l. 6.*

Hist. Eccles. Tom. LII. A a stent,

Sæcul. XVI.
A.C. 1598.

stent, ac præscriptis solutionum temporibus hanc summam restituant. II. Circa restitutionem urbium, quas Regina adhuc tenet, post sancitam pacem agatur. III. Regina haud ultra obstringatur subsidiarias copias Ordinibus ministrare, atque Angli, qui nunc, vel in posterum in Belgio stipendia merebuntur, Ordinum sumptibus alantur, eisque illorumque Ducibus fidem suam sacramento obstringant. IV. Hoc pacto auctoritas Anglico Deputato in nuptio foedere attributa cessabit, nihilominus Regina in secretiori Senatu quemdam Consiliarium obtrudendi facultatem sibi reservabit. V. Quamprimum illa communem hostem bello vel ad repellendum, vel defendendum instructo aggredietur, Ordines quadraginta, vel quinquaginta navium classem præter quinque peditum millia, & quingentos Equites Anglis jungere tenebuntur. Quæcumvis hæ conditiones Angliæ Regine summopere proficuae, Ordinibus vero admodum onerosae essent, cum tamen eorum res inclinare viderentur, atque aliunde hi haud temere vererentur, se forte, postquam per triginta omnino annos suam sectam rebellionis ope tuent conati erant, demum ad probrosam pacem cum Hispanis ineundam adigerentur, hinc in præfata pacta consentire: pariter

Sæcul. XVI.
A.C. 1598.

ter Elifabetha Regina potentiam suam
hisce fœderatis augeri haud parum læ-
tabatur; noverat enim, folium, quod
usurpaverat, nondum satis firmatum
esse, crebrosque indies tumultus con-
citari, quippe Hugo Tiræniæ Comes
Hispanis copiis auctus, & Papæ moni-
tis stimulatus pro tuenda Religione Ca-
tholica in Hibernia magnos progressus
fecerat, remque manu, & astu feliciter
gerens non raro Pro-Reges Anglicos,
qui eum impetebant, magna clade pro-
fligabat: nec minus periculum Elisabe-
thæ a Jacobo Scotiæ Rege imminebat,
hic enim vix non aperte sese proximum
Anglici regni hæredem proclamari cu-
rabat, & sparsis passim libellis partim
scriptis, partim editis comprobare nite-
batur, quod nullo pacto a successionis
jure excludi valeret: hanc in rem Re-
ginæ etiam monstrabatur epistola ab eo-
dem Rege ad Clementem VIII. Papam
data, quamvis teste Guilielmo Camb-
den Jacobus fraude circumventus hanc
epistolam suo chirographo muniisse dice-
retur: denique paulo ante Londini Ed-
mundus, seu Eduardus Squira carceri
dabatur, eo quod Elifabetham veneno
necare molitus esset: fatali igitur ad-
versitatum concursu Regina impelleba-
tur, ut aucta virium potentia propriæ
suæ,

Camden in
vita Elis.

A a 2

Sæcul. XVI. fuæ, suorumque securitati, ac libertati
 A. C. 1598. prospiceret.

§. XLV.

Bellum in Belgio continuatum.

Harræus
Annal. Belg
tom. 3. p. 548.
Thu. l. 121.
p. 842.

Absente Alberto Archiduce Franciscus
 Mendoza in Arragonia maris Præ-
 fectus, cui Belgici exercitus imperium
 erat commissum, cum viginti peditum
 millibus, & mille quingentis Equitibus
 rebelles fœderatos adoriri statuit, et
 prope Ruremundam trajecto Mosa flu-
 mine Osoyam Cliviensis ditionis oppidum
 contendit, positisque ibidem castris hanc
 urbem, arcemque præter Meursium, &
 Alpenum deditioe cepit, moxque pro-
 pe Valsam munimento in altera Rheni
 ripa exstructo, castra ineunte mense Octo-
 bri ad Rhenobergam, quæ vulgo Berta
 ad Rhenum dicitur, obsidendam promo-
 vit, quam, inopinato eventu victoriam
 maturante, Hispanorum Regi subjecti
 quippe die decima quarta Octobris, cum
 ad nonam usque horam tormentorum
 verberatio continuaretur, ignitus qui-
 dam globus in turrim, ubi centum quina-
 quaginta pulveris pyrii dolia asservaban-
 tur, penetrabat, unde concepto igne
 turris, arx, omnesque ferme ædes, ac
 muri dejiciebantur, ipseque Hedvicius
 Gubernator cum tota sua familia, plu-
 resque alii ædium ruina sepulti pe-
 rierunt.